

საქართველოს ფეხბურთის ფედერაციას

აუდიტორული დასკვნა

საფეხბურთო კლუბი ზეს ტაფონი-ის

სპეციალური დანიშნულების შუალედურ ფინანსურ ანგარიშგებაზე

2023 წლის 31 აგვისტოს დასრულებული 8 თვიანი პერიოდისათვის

დამოუკიდებელი აუდიტორის დასკვნა შუალედური
ფინანსური ინფორმაციის მიმოხილვაზე

საქართველოს ფეხბურთის ფედერაციას

შესავალი

სპეციალური დანიშნულების ფინანსური ანგარიშგების მომზადებაზე საქართველოს ფეხბურთის ფედერაციის საკლუბო ლიცენზირების დებულების „საქართველოს ჩემპიონატის ეროვნულ ლიგას, ეროვნულ ლიგა 2-სა და ლიგა 3-ში მონაწილეობისთვის“ თანახმად პასუხისმგებელია საფეხბურთო კლუბი ზესტაფონის ხელმძღვანელობა. ჩვენი პასუხისმგებლობა მოიცავს მიმოვიხილოთ აღნიშნული სპეციალური დანიშნულების ფინანსური ანგარიშგება და გამოვთქვათ შესაბამისი მოსაზრება.

დასკვნა

ჩვენ ჩავატარეთ საფეხბურთო კლუბი ზესტაფონის („კლუბი“) სპეციალური დანიშნულების ფინანსური ანგარიშგების აუდიტი, ანგარიშგება, რომელიც მოიცავს ბალანსს 2023 წლის 31 აგვისტოს მდგომარეობით, 2023 წლის 1 იანვრიდან 2023 წლის 31 აგვისტოს ჩათვლით პერიოდის მოგება-ზარალის ანგარიშგებას, ამავე პერიოდის ფულადი ნაკადების მოძრაობის ანგარიშგებას და კაპიტალში ცვლილებების ანგარიშგებას, აგრეთვე ყველა მნიშვნელოვანი სააღრიცხვო პოლიტიკის მოკლე მიმოხილვასა და სხვა განმარტებით შენიშვნებს.

ჩვენი აზრით, წარმოდგენილი ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს საფეხბურთო კლუბი ზესტაფონის ფინანსურ მდგომარეობას 2023 წლის 31 აგვისტოს მდგომარეობით, 2023 წლის 1 იანვრიდან 2023 წლის 31 აგვისტოს ჩათვლით მისი საქმიანობის შედეგებსა და ფულადი ნაკადების მოძრაობას მოცემული თარიღით დასრულებული წლისათვის ბუღალტრული აღრიცხვის საერთაშორისო სტანდარტების საბჭოს მიერ გამოცემული მცირე და საშუალო საწარმოების ფინანსური ანგარიშგების საერთაშორისო სტანდარტების შესაბამისად.

დასკვნის საფუძველი

აუდიტი ჩატარდა აუდიტის საერთაშორისო სტანდარტების (ასს) შესაბამისად. აღნიშნული სტანდარტებით განსაზღვრული ჩვენი პასუხისმგებლობა განმარტებულია ჩვენი ანგარიშის ქვეთავში „აუდიტორის პასუხისმგებლობა ფინანსური ანგარიშგების აუდიტზე“. ჩვენ ვმოქმედებდით კლუბისგან დამოუკიდებლად, როგორც ამას მოითხოვს ბუღალტერთა ეთიკის საერთაშორისო სტანდარტების საბჭოს დოკუმენტი „პროფესიონალ ბუღალტერთა ეთიკის კოდექსი“ (პბეკ კოდექსი) და საქართველოში აუდიტის განხორციელებისას საჭირო ეთიკური მოთხოვნები. შესაბამისად, ჩვენ მიერ შესრულებული ეთიკური ვალდებულებები შეესაბამებოდა როგორც პბეკ კოდექსის, აგრეთვე აღნიშნული მოთხოვნებით განსაზღვრულ სტანდარტებს. ჩვენი ღრმა რწმენით, ჩვენ მიერ მოპოვებული აუდიტორული მტკიცებულებები საკმარისია პროფესიული დასკვნის გასაკეთებლად.

ხელმძღვანელობის პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია ფინანსური ანგარიშგების მომზადებასა და სამართლიან წარდგენაზე ბუღალტრული აღრიცხვის საერთაშორისო სტანდარტების საბჭოს მიერ გამოცემული მსს ფასს-ების შესაბამისად, და შიდა კონტროლის სისტემის უზრუნველყოფაზე, რომელიც ხელმძღვანელობის მიერ მიიჩნევა აუცილებლად ისეთი ფინანსური ანგარიშგების მოსამზადებლად, რომელიც არ შეიცავს შეცდომით და თაღლითობით გამოწვეულ არსებით უზუსტობას.

ფინანსური ანგარიშგების მომზადებისას, ხელმძღვანელობა მოვალეა, შეაფასოს კლუბის მხრიდან საქმიანობის გაგრძელების (ფუნქციონირებადი საწარმოს პრინციპის) უნარი, აგრეთვე, აუცილებლობის შემთხვევაში, განმარტოს ფუნქციონირებადი საწარმოს პრინციპთან დაკავშირებული საკითხები და აღნიშნული პრინციპი გამოიყენოს ბუღალტრული აღრიცხვის საფუძველად გარდა იმ შემთხვევებისა, როდესაც ხელმძღვანელობა ან მიზნად ისახავს კლუბის ლიკვიდაციას თუ საქმიანობის შეწყვეტას, ან არ გააჩნია ამისგან განსხვავებული ქმედების რეალისტური ალტერნატივა.

ზედამხედველობაზე პასუხისმგებელი პირები მოვალენი არიან, უზედამხედველონ კლუბის ფინანსური ანგარიშგების პროცესს.

აუდიტორის პასუხისმგებლობა ფინანსური ანგარიშგების აუდიტის პროცესში

ჩვენი ამოცანაა, მოვიპოვოთ იმის საფუძვლიანი რწმენა, რომ ფინანსური ანგარიშგება მთლიანობაში არ შეიცავს შეცდომით და თაღლითობით გამოწვეულ არსებით უზუსტობებს და გავცეთ აუდიტორული დასკვნა, რომელიც ჩვენი თვალსაზრისის გამომხატველი იქნება. საფუძვლიანი რწმენა მაღალი ხარისხის რწმენას წარმოადგენს, მაგრამ, ამავდროულად, არ არის იმის გარანტია, რომ აუდიტის საერთაშორისო სტანდარტებით ჩატარებული აუდიტი ყოველთვის გამოავლენს არსებითი ხასიათის უზუსტობას ასეთის არსებობის შემთხვევაში. უზუსტობები შეიძლება წარმოიშვას როგორც თაღლითობის, აგრეთვე შეცდომის შედეგად და არსებითად ითვლება მაშინ, როდესაც, ინდივიდუალურად თუ ერთობლივად, შეიძლება პოტენციურად ზეგავლენას ახდენდეს ამ ფინანსური ანგარიშგების საფუძველზე მის მომხმარებელთა მიერ მიღებულ ეკონომიკურ გადაწყვეტილებებზე.

აუდიტის საერთაშორისო სტანდარტების საფუძველზე, აუდიტის მთელი პროცესის განმავლობაში გამოვთქვამთ პროფესიულ თვალსაზრისს და ვინარჩუნებთ პროფესიულ სკეპტიციზმს. გარდა ამისა:

- ჩვენ ამოვიცნობთ და ვაფასებთ ფინანსურ ანგარიშგებაში თაღლითობითა თუ შეცდომით გამოწვეული არსებითი უზუსტობის რისკებს; ვგეგმავთ და ვატარებთ აუდიტის პროცედურებს ამ რისკებზე რეაგირების თვალსაზრისით და მოვიპოვებთ ისეთ აუდიტორულ მტკიცებულებას, რაც საკმარისი და ადეკვატური საფუძველი იქნება ჩვენი დასკვნის ჩამოსაყალიბებლად. თაღლითობით გამოწვეული არსებითი უზუსტობის ვერ შემჩნევის რისკი შეცდომის შედეგად გაპარული არსებითი უზუსტობის ვერ შემჩნევის რისკს აღემატება, რადგან თაღლითობა შეიძლება ხდებოდეს საიდუმლო გარიგების, გაყალბების, ინფორმაციის წინასწარგანზრახული გამოტოვების, ინფორმაციის არასწორად წარმოდგენის ან შიდა კონტროლის მექანიზმის დარღვევის გზით;
- მოცემული ვითარებისათვის შესაფერისი აუდიტის პროცედურების დაგეგმვის მიზნით, ვიქმნით წარმოდგენას არსებული შიდა კონტროლის მექანიზმების თაობაზე, რაც არ გულისხმობს კლუბის შიდა კონტროლის ეფექტურობის თაობაზე აზრის გამოთქმის განზრახვას;
- ვაფასებთ ბუღალტრული აღრიცხვის გამოყენებული პოლიტიკების შესაბამისობას და ხელმძღვანელობის მიერ გაკეთებულ ბუღალტრული პროგნოზებისა და განმარტებების მართებულობას;
- ვაკეთებთ დასკვნას ხელმძღვანელობის მხრიდან აღრიცხვის ფუნქციონირებადი საწარმოს პრინციპზე საფუძველზე წარმოების თაობაზე და, მოპოვებული აუდიტორული მტკიცებულებების საფუძველზე, გამოვთქვამთ თვალსაზრისს, არსებობს თუ არა არსებითი ხასიათის განუსაზღვრელობა ისეთ პირობებთან თუ მოვლენებთან მიმართებაში, რამაც შეიძლება ეჭვქვეშ დააყენოს კომპანიის უნარი, გააგრძელოს საქმიანობა. თუ ჩვენი დასკვნის მიხედვით, არსებითი არასარწმუნოება არსებობს, ჩვენ ვალდებული ვართ, ჩვენ მიერ შემუშავებულ აუდიტორის ანგარიშში ყურადღება გავამახვილოთ ფინანსურ ანგარიშგებაში მოცემულ განმარტებებზე, ხოლო თუ ამგვარი განმარტებები არასაკმარისია, შევცვალოთ კიდევ დასკვნა. ჩვენი დასკვნები ეფუძნება აუდიტორის ანგარიშის მომზადების თარიღისათვის მოპოვებულ აუდიტორულ მტკიცებულებას. თუმცა, მას შემდეგ, მომავალში დამდგარმა მოვლენებმა თუ გარემოებებმა შეიძლება კლუბი აიძულოს, შეწყვიტოს უწყვეტი საწარმოს პრინციპით მოქმედება.
- ვაფასებთ ფინანსური ანგარიშგების მთლიან სტრუქტურას, შინაარსსა და წარმოდგენის ფორმას, მათ შორის განმარტებებს და, ასევე იმას, თუ როგორ შეესაბამება ფინანსური ანგარიშგების მიერ შესაბამის ტრანზაქციებსა და მოვლენებს ასახვა ინფორმაციის ობიექტურად წარმოდგენის პრინციპს.

შპს „ალგი აუდიტი“-ს სახელით

კახაბერ თეთრუაშვილი



2023 წლის 16 ოქტომბერი თბილისი, საქართველო

1. მედგენის საფუძველი

1.1 ზოგადი ინფორმაცია

შპს საფეხბურთო კლუბი „ზესტაფონი“ ს/კ 230091664 დაარსდა 2007 წლის 18 აგვისტოს. დღე-ის გადამხდელად რეგისტრირებულია 2008 წლის 2 ივნისს. 2023 წლის 31 აგვისტოს მდგომარეობით კომპანიის 100% წილის მესაკუთრეა ირინა ბრეგვაძე 54001003592.

კომპანიის იურიდიული მისამართია ქალაქი ზესტაფონი, სტაროსელსკის №2.

საფეხბურთო კლუბი „ზესტაფონი“-ს დაფუძნებისას კლუბის ხელმძღვანელობის იდეა მდგომარეობდა იმაში, რომ ზესტაფონში შექმნილიყო ძლიერი, კონკურენტუნარიანი და წარმატებული საფეხბურთო კოლექტივი, რომელიც საქართველოს ეროვნული ჩემპიონატისა და თასის გათამაშებაში იბრძოლებდა უმაღლესი მიზნებისათვის, ხოლო საპრიზო ადგილების დაკავებისას უეფა-ს ტურნირებში მონაწილეობის უფლების მიღების შემთხვევაში ეცდებოდა ღირსეულად ებრძოლა უცხო ქვეყნების წარმომადგენელ კლუბებთან ქართული ფეხბურთის და ზოგადად საქართველოს შემდგომი პოპულარიზაციისათვის. ეს კი თავის მხრივ, კლუბის ხელმძღვანელობისგან მოითხოვდა სხვადასხვა მიმართულებით დაულაღავ შრომას საკლუბო ფეხბურთის შემადგენელ სხვადასხვა უმნიშვნელოვანეს კომპონენტზე.

თანამედროვე საკლუბო ფეხბურთი შედგება რამოდენიმე კომპონენტისგან, რომლის გარეშეც წარმოუდგენელია მისი არსებობა და შემდგომი განვითარება. მათ შორის ერთ-ერთია ახალგაზრდული ფეხბურთი.

სამწუხაროდ, ვერცერთი კლუბი ვერ გაექცევა იმ კანონზონმიერებას, რასაც ფეხბურთში „თაობათა ცვლას“ ვუწოდებთ. ასეთ დროს, გარდაუვალია კლუბის ხანგრძლივი კრიზისი, თუ მას ზურგს არ უმაგრებს რეზერვი ახალი თაობების სახით, რომელიც ნიჭის, კარგი მომზადების და მაღალ დონეზე თამაშის უნარის ქონის პირობებში შეძლებს ძველი თაობის ღირსეულად ჩანაცვლებას.

მოცემულ ეტაპზე საფეხბურთო კლუბ ზესტაფონს ჰყავს 3 ასაკობრივი გუნდი, რომლებიც ასპარეზობენ საქართველოს ფეხბურთის ფედერაციისა და თბილისის ფეხბურთის ფედერაციის ეგიდით ორგანიზებულ ჩემპიონატში.

ახალგაზრდული გუნდებისათვის შექმნილია სათანადო სავარჯიშო პირობები, კერძოდ, მათ საშუალება აქვთ ივარჯიშონ და გამართონ მატჩები ზესტაფონში არსებულ ცენტრალურ სტადიონზე, რომელიც კლუბს ეკუთვნის, აგრეთვე კლუბის კუთვნილ ბაზებზე არსებულ ბუნებრივ საფარიან მოედნებზე.

ახალგაზრდული ფეხბურთის დაფინანსება საფეხბურთო კლუბი „ზესტაფონში“ ამჟამად ხორციელდება სპონსორული დაფინანსების და ქართული ფეხბურთის განვითარების ფონდის გზით. კლუბის ადმინისტრაცია ცდილობს დაფინანსების ალტერნატიული გზების მოძიებას.

1.2 მომზადების საფუძველები

წარმოდგენილი სპეციალური დანიშნულების შუალედური ფინანსური ანგარიშგება მომზადებულია საქართველოს ფეხბურთის ფედერაციის საკლუბო ლიცენზირების დებულების - „საქართველოს ჩემპიონატის ეროვნული ლიგის, ეროვნულ ლიგა 2-ში და ლიგა 3-ში მონაწილეობისთვის“ შესაბამისად. სპეციალური დანიშნულების შუალედური ანგარიშგება მომზადდა ბუღალტრული აღრიცხვის საერთაშორისო სტანდარტების საბჭოს („ბასს“) მიერ გამოშვებული ფინანსური ანგარიშგების საერთაშორისო სტანდარტების („ფასს“) შესაბამისად.

კერძოდ, ტრანზაქციები და ბალანსები, მოცემული ჯგუფის შუალედურ სპეციალური დანიშნულების ფინანსურ ანგარიშგებაში აღრიცხულია ფასს-ის მიხედვით, ხოლო შემდგომ მოხდა მისი წარდგენა საქართველოს ფეხბურთის ფედერაციის საკლუბო ლიცენზირების დებულებისთვის „საქართველოს ჩემპიონატის ეროვნული ლიგის, ეროვნულ ლიგა 2-ში და ლიგა 3-ში მონაწილეობისთვის“ ფორმატის შესაბამისად. ქვემოთ აღწერილია მნიშვნელოვანი სააღრიცხვო პოლიტიკის მიმოხილვა და სხვა განმარტებითი შენიშვნები.

წარმოდგენილი სპეციალური დანიშნულების ფინანსური ანგარიშგება არ წარმოადგენს სრულ ფინანსურ ანგარიშგებას ფინანსური აღრიცხვის საერთაშორისო სტანდარტების მიხედვით. ასევე, არ მოიცავს იმ სრულ ინფორმაციას, რომელიც მოითხოვება ფინანსური ანგარიშგების საერთაშორისო სტანდარტებით.

როგორც ნახსენებია საქართველოს ფეხბურთის ფედერაციის საკლუბო ლიცენზირების დებულების 48-ე მუხლის მე-3 პუნქტში, სპეციალური დანიშნულების ფინანსური ანგარიში მოიცავს:

- ბალანსს 2023 წლის 31 აგვისტოს მდგომარეობით (რომელიც შეიცავს 2022 წლის 31 აგვისტოს შესადარის ინფორმაციას);
- მოგება-ზარალის უწყისს 2023 წლის 1 იანვრიდან 2023 წლის 31 აგვისტოს ჩათვლით პერიოდისთვის (რომელიც შეიცავს 2022 წლის 1 იანვრიდან 2022 წლის 31 აგვისტოს ჩათვლით პერიოდისთვის შესადარის ინფორმაციას).
- ფულადი სახსრების მოძრაობის უწყისს 2023 წლის 1 იანვრიდან 2023 წლის 31 აგვისტოს ჩათვლით პერიოდისთვის (რომელიც შეიცავს 2022 წლის 1 იანვრიდან 2022 წლის 31 აგვისტოს ჩათვლით პერიოდისთვის შესადარის ინფორმაციას).
- მნიშვნელოვანი სააღრიცხვო პოლიტიკის მიმოხილვას და სხვა განმარტებებით შენიშვნებს.

წინამდებარე ფინანსური ანგარიშგება მომზადებულია ფუნქციონირებადობის პრინციპის საფუძველზე ბუღალტრული აღრიცხვის საერთაშორისო სტანდარტების საბჭოს მიერ გამოცემული მცირე და საშუალო საწარმოთა ფინანსური ანგარიშგების საერთაშორისო სტანდარტების შესაბამისად.

საანგარიშგებო პერიოდი მოიცავს 1 იანვრიდან 31 აგვისტოს ჩათვლით ჩათვლით.

სამომავლო განგრძობითობის საკითხი

სპეციალური დანიშნულების ფინანსური ანგარიშგება მომზადებულია ფუნქციონირებადი საწარმოს პრინციპის საფუძველზე, რომელიც გულისხმობს, რომ იგი გააგრძელებს ფუნქციონირებას უახლოეს მომავალში. ივარაუდება, რომ არ მოხდება ლიკენზიის მაძიებლის ლიკვიდაცია, გაკოტრება ან კრედიტორების მიერ კანონით მოთხოვნების გამოთხოვება.

1.3 ძირითადი სააღრიცხვო პოლიტიკა

ფული და ფულის ეკვივალენტები

ფული და ფულის ეკვივალენტები არის აქტივები, რომლებიც იოლად კონვერტირებადია ფულად სახსრებში. და ექვემდებარება ღირებულების ცვლილების უმნიშვნელო რისკს. ფული და ფულის ეკვივალენტები მოიცავს ფულს სალაროში და ფულად სახსრებს საბანკო ანგარიშზე.

სავაჭრო და სხვა მოთხოვნები

რეალიზაცია, ძირითადად ხორციელდება ჩვეულებრივი საკრედიტო პირობებით და დებიტორულ დავალიანებას პროცენტი არ ერიცხება. ყოველ საანგარიშგებო პერიოდის ბოლოს გაანალიზდება სავაჭრო და სხვა მოთხოვნების საბალანსო ღირებულებები, რათა დადგინდეს, არსებობს თუ არა ობიექტური მტკიცებულება იმისა, რომ ეს თანხები არ არის ამოღებადი/ ამგვარი მტკიცებულების არსებობის შემთხვევაში, გაუფასურების ზარალი დაუყოვნებლივ აღიარდება მოგებაში ან ზარალში.

ძირითადი საშუალებები და არამატერიალური აქტივები

ძირითადი საშუალებები და არამატერიალური აქტივები აღირიცხება თვითღირებულებით, რომელსაც აკლდება დაგროვილი ცვეთის/ამორტიზაციის და გაუფასურების ხარჯი, თუ ამის აუცილებლობა არსებობს. ძირითადი საშუალებების ერთეულის ისტორიული ღირებულება მოიცავს:

- მისი ნასყიდობის ფასს, მათ შორის იურიდიული და საბროკერო მომსახურების ღირებულებას, საიმპორტო საბაჟო გადასახადებსა და შესყიდვის დაუბრუნებად გადასახადებს, ყოველგვარი სავაჭრო ფასდათმობებისა და შეღავათების გარეშე.
- ნებისმიერ დანახარჯს, რომელიც პირდაპირ დაკავშირებულია აქტივის დანიშნულების ადგილამდე მიტანასა და სამუშაო მდგომარეობაში მოყვანასთან, რაც აუცილებელია აქტივის გამოსაყენებლად ხელმძღვანელობის მიერ დასახული მიზნებისთვის. ეს დანახარჯები შეიძლება მოიცავდეს აქტივისთვის ადგილის მომზადების დანახარჯებს, ჩატვირთვა/გადმოტვირთვის მონტაჟისა და აწყობის დანახარჯებს. ასევე მისი ფუნქციური შესაძლებლობების ტესტირების დანახარჯებს

- შემდგომი კაპიტალიზებული ხარჯები მოიცავს გაუმჯობესების მნიშვნელოვან დანახარჯებს, რომელთა მიზანია აქტივების სასარგებლო მოხმარების ვადის გახანგრძლივება ან მისგან მიღებული შემოსავლის ზრდა. რემონტისა და ტექნიკური მომსახურების ხარჯები, რომლების კაპიტალიზაციის ამ კრიტერიუმს არ აკმაყოფილებენ, გაწევისას აღირიცხება მოგება -ზარალისა და სხვა სრული შემოსავლების ანგარიშგებაში.
- მიწასა და აქტივებს, რომლებიც ჯერ არ შესულან ექსპლუატაციაში ცვეთა არ ერიცხებათ. სხვა ძირითად საშუალებებზე ცვეთის დარიცხვა ხორციელდება მათი სასარგებლო მომსახურების ვადის განმავლობაში, სისტემატურ საფუძველზე, წრფივი მეთოდით.

სასაქონლო მარაგები

სავაჭრო საქონელი, ასევე სხვა მარაგების შეფასება ხდება მის თვითღირებულებასა და ნეტო სარეალიზაციო ღირებულებას შორის უმცირესი თანხით. თვითღირებულება გამოითვლება საშუალო შეწონილი მეთოდის გამოყენებით. საწარმო მიიღებს ეკონომიკურ სარგებელს.

სესხით სარგებლობასთან დაკავშირებული ხარჯები

სესხით სარგებლობასთან დაკავშირებული დანახარჯები აღიარდება იმ პერიოდის მოგება ზარალში, როდესაც იქნა გაწეული.

სავაჭრო და კრედიტორული დავალიანება

კრედიტორები წარმოადგენს ვალდებულებას საწარმოსთვის, ყოველდღიური საქმიანობის პირობებში, საქონლის ან მომსახურების მიწოდებისთვის. კრედიტორები კლასიფიცირდება მიმდინარე და გრძელვადიან ვალდებულებად.

ხელფასები და თანამშრომელთა სხვა სარგებელი

ხელფასები, ბონუსები და არაფულადი შეღავათები აღიარდება იმ წელს, როდესაც საზოგადოების თანამშრომელმა გასწია შესაბამისი მომსახურება.

1.4 მნიშვნელოვანი სააღრიცხვო შეფასებები და გადაწყვეტილებები.

კომპანიის სააღრიცხვო პოლიტიკის გამოყენებისას ხელმძღვანელობა ვალდებულია განიხილოს, შეაფასოს და გააკეთოს დაშვებები აქტივებისა და ვალდებულებების საბალანსო ღირებულებასთან დაკავშირებით, რომლებიც სხვა წყაროებიდან არ იკვეთება, ხელმძღვანელობის შეფასება და შესაბამისი დაშვებები ეფუძნება ისტორიულ გამოცდილებას და მრავალ სხვა ფაქტორებს. რომელიც მართებულად ითვლება.

ძირითადი საშუალებების სასარგებლო მოხმარების პერიოდი ძირითადი საშუალების სასარგებლო მოხმარების პერიოდის დადგენა წარმოადგენს ხელმძღვანელობის მსჯელობის საგანს მსგავს აქტივებთან დაკავშირებულ გამოცდილებაზე დაყრდნობით. ძირითადი საშუალებების სასარგებლო მოხმარების პერიოდის დადგენისას ხელმძღვანელობა ითვალისწინებს მოსალოდნელი მოხმარების, სავარაუდო ტექნიკური მოძველების პარამეტრებს. სასარგებლო მომსახურება კატეგორიების მიხედვით შემდეგია.

1.5 საანგარიშგებო პერიოდის შემდგომ მომხდარი მოვლენები:

საანგარიშგებო პერიოდის შემდეგ ადგილი არ ჰქონია ისეთ მოვლენებს, რომელიც საჭიროებს ფინანსური ანგარიშგების შესწორებას ან/და განმარტებით შენიშვნებში ასახვას.

ჯაბა დვალი

დირექტორი

2023 წლის 16 ოქტომბერი

